



Dapli visitaders che spetgà

Hannes Parpan è cuntent cun ils emprims dis dal Campiunadi mundial da biatlon da juniors.

8



Quant birocratica è la tgira?

La regenza prenda posiziun sin ina dumonda dal deputà Romano Paterlini.

2

südostschweiz

LA QUOTIDIANA

Redacziun: Via Sommerau 32, 7007 Cuiria, tel. 081 255 57 10, redacziun@laquotidiana.ch

Dalla veta si d'alp

■ (fmr/hh) «Willkommen im Tal der Tränen». Aschia senumna il niev cudisch dall'aura Noëmi Lerch. Per quel ha ella survegniu dacuort il Premi da litteratura digl Uffeci federal per cultura. Lerch ch'è oriunda dil cantun Argovia e che habitescha dapi entgins onns ella Val Blenio enconuscha la veta si d'alp ord atgna

experienscha. Dapi pliras stads passenta ella la stad sill'alp da Motterascio dalla Greina. Quella experienscha nezegia ella per in'interessanta historia, vul dir ils discuors fictivs da treis umens. «Si d'alp dat ei suletamein il lungatg dalla natira», di Lerch.

> PAGINA 3



La chatschadra persvasa Christina Koller in sia mandura da chatscha. MAD

Koller less d'vantar chatschadra svizra

■ (fmr/bcs) Prosmamaing vain eletta la chatschadra svizra per la perioda 2020–2022. Tschinch candidatas da tuot la Svizra s'han annunzchadas per tour part a la tscherna e sun rivadas i'l final. Tanter dad ellas üna Grischuna, nempe Christina Koller da Guarda. Ella deriva oriundamaing da l'Argovia e viva daspö 15 ons in Engiadina, actualmaing apunta a

Guarda. Là es ella gnüda la prüma jada in contact culla chatscha ed es hoz üna chatschadra activa e paschiunada. Ella es mamma da duos uffants ed es colliada ferm culla natüra e cun las bes-chas. Ella spera, sco las otras quatter candidatas eir, da gnir tschernüda per quella bella lezcha.

> PAGINA 7

Il tricot tgietschen cul logo misterius

■ (fmr/abc) El ha fatg ina carriera sportiva in ballamaun. Entschiet ha Simon Osterwalder cun St. Otmar St. Gallen, lu eis el vegnius tier Pfadi Winterthur ed ha continuau sia carriera sportiva sco goli tiels Grasshoppers. Sonda vargada ha Simon Osterwalder representau a Winterthur la Lumnezia. Il club da ballamaun Pfadi Winterthur ha envidau anteriurs giugadurs d'elita alla sentupada «Allstar Game2020». Oster-

walder e dus collaboratur da Surselva Turissem ein stai ambassadurs ed han informau tgei ch'il logo «Val Lumnezia» sil tricot tgietschen munti.

A tgi che saveva buca han Osterwalder e ses dus collaboratur da Surselva Turissem SA declarau ch'igl ei il num d'ina vallada laterala en Surselva, el Grischun.

> PAGINA 5

Cuntinuar, maridar u schliar

Decider il futur da la pbd pudess daventar difficil

DAD ANDREAS CADONAU / FMR

■ La Partida burgais-democratica stat avant ina difficila orientaziun nova. La situaziun sa preschenta different tar la partida naziunala, chantunala e per part tar las secziuns. Proximamain vul la Partida burgais-democratica chantunala infurmar il commembradi davart la strategia futura. S'orientar da nov è la devisa suenter la terrada da la tscherna naziunala da l'atun passà. Fertant che la fracziun naziunala è marginala e las opziuns da collavurar sin nivel naziunal gia pli u main definidas è la fracziun chantunala grischuna intacta e po politisar ord atgna forza. Fitg different sa preschenta la situaziun da las singulas secziuns. Represchentantas e represchentants da quella secziun han bain ponderà diversas pussaivladads quai che pertutga il futur da la partida e l'atgna secziun. Ponderaziuns ch'els na vulan momentan betg parter cun la publicità. Betg avant che la partida chantunala ha clamà a radunanza per palesar e discutir



Suenter l'emprim onn d'existenza, l'october 2009, aveva la pbd anc motiv da far festa. Ussa, suenter la sconfitta tar las davosas elecziuns federalas sto la partida sviluppar novs scenaris per l'avegnir. FOTO M. HARTMANN

las opziuns elavuradas dad ina gruppa da giuvs commemblers. Il deputà Daniel Buchli presidescha la secziun sursilvana da la pbd, ina pitschna gruppa, sco el ha accentuà. El ha re-

martgà ch'els anteriurs fundaments da la pbd davart da la confessiun nun hajan pli la medema valur. La giuventetgna guarda cun auters eglis ed autras valurs sin il temp contemporan. Buch-

li spera dentant ch'els na perdian betg l'egliada ed il gust sin la lavur politica sco servetsch a la publicità.

> PAGINA 2

«Lolita» ha purtà naiv

Il Pass dal Lucmagn resta serrà per motivs da segirezza

DA MARTIN CABALZAR / FMR

■ Entant ch'il stemprà «Lolita» ha procurà per caos cunzunt en la Svizra bassa ha l'entier Grischun survegni ier ina cozza da naiv nova. Gia il mardi suentermezdi ha ina front fraida dal stemprà «Lolita» purtà fermes orcans ed effectua caos en la Bassa ed ier ina cozza da naiv en il Grischun. En la Bassa han ils vents cuntanschi sveltezzas da fin 157 kilometers l'ura, dentant era sin il Crap Masegn sin intschess da Falera han ins registrà spertadads da 153 kilometers per ura. Il stemprà è era stà accompagna da tuns e cha-metgs, ils blers a Turitg, Friburg e Berna. En plirs lieus ha il stemprà era derschi plantas ed interrut colliaziuns da traffic cunzunt en la Svizra centrala ed en ils chantuns da S. Gagl ed Appenzell.

Vers saira èn ils vents la finala sa quietads ed i ha cumenza a naver fin giu en las valladas. Praticamain tut las vias dal Grischun èn stadas cuvertas cun naiv. Differents pass èn stads serrads parzialmain. En il decurs dal di han ins pudì dar liber il Pass dal Malögia ed il pass dal Fuorn e dal Berni-

na. In obligatori da chadainas per camiuns ha valì per il Pass dal Wolfgang. Serrà resta – sper ils pass serrads insumma d'enviern –

er il Pass Lucmagn, quai per motivs da segirtad. Cuvrids cun naiv èn ils pass Gelgia, Fuorn, Bernina sco era las vias en Surselva, sin las

Planoiras ed en Engiadina. Rumida è la via naziunala A13. Bainvegnida è la naiv cunzunt en las regiuns da skis.



In auto zuppà fitg bain ier amez il vitg dad Andiaist. FOTO S. COLLENBERG



40005

Servetsch d'abunents e da distribuziun: tel. 0844 226 226 mail: abo@somedia.ch

Surselva tier Pfadi Winterthur

La Val Lumnezia ella AXA Arena

DAD AUGUSTIN BEELI / FMR

■ **Sonda vargada ei la Lumnezia sta da presenta en ina gronda halla da sport. Il club da ballamaun Pfadi Winterthur ha envidau anteriurs giugadurs d'elita alla sentupada «Allstar Game2020». Simon Osterwalder e dus collavurats da Surselva Turissem ein era stai presents.** Entgins dils giugadurs ein sedumandai: Tgisa tgei che quei logo 'Val Lumnezia' munta? Entgins han manegiau ch'ei seigi in product, ina crema, sco per exempel Piz Buin, il num d'ina tschugalata ni forsa in'aua minerala. En scadin cass han ils tricots cotschens cul logo «Val Lumnezia» svegliu las marveglias. Sonda vargada han ins viu giugadurs cun quels camischuts ella AXA Arena a Winterthur. Il club da ballamaun Pfadi Winterthur ha envidau ils anteriurs giugadurs dalla ligia naziunala ad ina sentupada amicabla. Sper Wacker Thun e St. Otmar Sogn Gagl ei Pfadi ina dallas equipas da renum. Il club ei staus ogt gadas campion svizzer ed ha gudignau ogt gadas il cup ed il supercup.

Igl ein dils famus clubs da ballamaun dalla Svizra. Per tener ils contacts e tgirar l'amicezia denter ils giugadurs organischa Pfadi mintg'onn in'occurranza cun num «AllStarGame – Celebration Day». Igl ei ina gronda manifestaziun, ina spacia da turnier cun musica e divertiment. In dils anteriurs giugadurs da Pfadi Winterthur ei *Simon Osterwalder*.

Lez ei colligiau cul logo «Val Lumnezia» ed ha vuliu avischarin ses camerats a quei «product». Osterwalder ha dau ballamaun sin nivel d'elita ed ei staus goli tier Pfadi Winterthur (mira scaffa).



Ils anteriurs giugadurs da Pfadi Winterthur en accziun: Ils giugadurs activs ils onns 2000 han dau el tricot tgietschen cul logo dalla Val Lumnezia.

FOTO M. DEURING

Sonda han ils giugadurs che fuvan ils onns 1990 activs dau encounter ils giugadurs dils onns 2000. Igl ei stau in dils giugs amicabls ella gronda AXA Arena. Ils organisatsurs havevan envidau era in club dalla Tiaratudestga. Pfadi Winterthur ha dau in giug encounter il club dalla Bundesliga, MT Melsungen. La sentupada dils anteriurs giugadurs ha Pfadi organisau cun sustegn da divers sponsurs.

Ils biars han mess a disposiziun material. Sper nums sco Agrola, Bank Linth, Axa, TransGourmet, MedBase ei era il logo «Val Lumnezia» staus omnipresents. L'equipa culs giugadurs dils 2000 ha dau els tricots cotschens cun quei logo.

Suenter il giug han *Silvan Gabriel e Joel De Buren*, dus collaboratsurs da Surselva Turissem, declarau als marveglius tgei che «Val Lumnezia» munta e «tgei» ch'igl ei. Tgi che saveva buc ha intervegniu ch'igl ei il num d'ina vallada laterala en Surselva, la Val dil Rein anteriur el Grischun. Leu sappien ins passentar vacanzas, ei seigi ina destinaziun per tuttas stagiuns e cun ina massa attraziuns, han ils dus collaboratsurs informau.

In camerat da Pfadi Winterthur ha viu l'acziun sco contribuziun cun effect durabel per glied dalla Bassa. Osterwalder ei dalla ferma perschasiun che la preschientscha visuala alla manifestaziun sportiva a Winterthur hagi fatg queidas sin quella Val el Grischun.

Simon Osterwalder, «das Tier im Tor»

El ha fatg ina carriera sportiva en ballamaun. Entschiet ha Simon Osterwalder cun St. Otmar St. Gallen, lu eis el vegnius tier Pfadi Winterthur ed ha continuau sco goli tiels Grasshoppers. Da 1996 tochen 2002 eis el staus goli dall'equipa naziunala, el ha dau 36 giugs cun quella. Cun sia expressiun resoluta e mimica els giugs ha la «NZZ» titulau el inagada sco «das Tier im Tor». Oz meina Osterwalder in biro d'avvocatura cun 200 emploiai. El vala sco in dils specialists dalla digitalisaziun. Colligiazions e dretgs da trapass cun fibras e cabels ei ina da sias spartas, en fuorma da mandat meina el biro d'avvocatura cun 200 emploiai. El vala sco in dils specialists dalla digitalisaziun. Colligiazions e dretgs da trapass cun fibras e cabels ei ina da sias spartas, en fuorma da mandat meina el biro d'avvocatura cun 200 emploiai. El vala sco in dils specialists dalla digitalisaziun. Colligiazions e dretgs da trapass cun fibras e cabels ei ina da sias spartas, en fuorma da mandat meina el biro d'avvocatura cun 200 emploiai.

schius si a Sogn Gagl. Era sia via professiunala ha menau el a Turitg. Oz eis el delegau dil cussegl d'administraziun dil biro Brantschi, ina gronda advocatura cun sedia principala alla Via dalla Staziun e filialas en plirs marcaus svizzers. Sco buob vegneva igl anteriur sportist d'elita cun geniturs e farglius a Flem, pli tard era cun sia dunna ed affons. Sur il cunfin da Staderas, respectiv tochen Glion, fuva el mai staus d'ront las vacanzas a Flem. Cu el ei staus l'emprema gada en Lumnezia eis el staus aschi fascinaus ch'el e sia dunna han eligiu quella cuntrada sco niev domicil da vacanzas. Dapi l'entschatta dil 2019 ei Osterwalder president dil cussegl d'administraziun da Surselva Turissem SA.



Igl anteriur goli dall'equipa naziunala da ballamaun ei dapi l'entschatta dil 2019 president da Surselva Turissem SA.

FOTO A. BEELI

Cant e recreaziun en Lumnezia

Jamna da cant da Musica vocalis a Vignogn en Val Lumnezia

DA MARTIN CABALZAR / FMR

■ **Era uonn porscha Musica vocalis sut l'egida dil musicist Gieri Spescha in jamna da cant, cultura e recreaziun en Val Lumnezia. La purschida vul pldentart on indigens sco jasters.** Sin iniziativa dalla Fundaziun Linsi a Turitg realisescha Musica vocalis jamnas da cant en Val Lumnezia. Uonn per la 14avla gada e quei dils 2 entochen ils 9 d'uost. Dapi biars onns schai la direzziun musicala els mauns dil musicist indigen *Gieri Spescha* che diregia era plirs chors. Uonn vegn el assistiu dalla musicista *Bettina Marugg-Herrmann*. Ella conta en, fa cultivaziun da vusch e segida cul dirigent ellas emprovas da register. Sin giavisch dat ella denton era lecziuns individualas.

Jamna da cant en atmosfera sluccada ed en ina cuntrada naturala D'ront in jamna seraduna mintg'onn ina cudria da rodund 50 cantaduras e cantadurs dalla Lumnezia, dalla Surselva, dil Grischun, dalla Svizra e schizun digl exterior per exercitar canzuns popularas ni era ovras pli grondas. Il chor sefuorma mintg'onn da niev, la gronda part dallas cantaduras e dils cantadurs tuorna denton onn per onn adina puspei. La gronda part dils participants fa gia part d'in chor e senezegia da perfezziunar sias enconuschentschas en in'atmosfera sluccada ed en ina cuntrada naturala ch'endrida era da serecrear e da far vacanzas. Participants interessai san retrer anticipadamain las notas per aschia sepreparar individualmein silla jamna da cant. Separticipar po in e scadin, enconuschentschas minimalas da notas ed ina certa experienza da cantar ein secapescha d'avantatg. Alla fin dalla jamna da cant vegn mintga-



Musica vocalis cun siu chor ad hoc che secumpona mintg'onn empau auter.

MAD

mai dau ina ni pliras produczions publicas. Aschia ha il chor ad hoc era gia cantau en differentas baselgias dalla vallada, denton era a Mustér, Laax, Nossadunnaun, Lucerna, Turitg e Berna.

Jamna da cant 2020

El center dalla lavur da project stat uonn l'occupaziun cun perlas dalla musica sacrala ord differentas epocas. Preparada per il concert final vegn la «Missa Cle-

mentina» dad Alessandro Scarlatti (1660–1725). Attenziun speciala vegn era attribuiu alla canzun romontscha.

In tschuppel da quellas ei oz ina part essenziala dil repertori dil chor. Buca da far curvieu ch'ovras da cumponists romontschs sco Nuot Vonmoos, Tumasch Dolf, Hans Erni, Giusep Maissen, Benedetg Dolf, Gion Antoni Derungs e *Carli Scherrer* ein bein enconuschentas als participants sco era alla populaziun romontscha.

Las emprovas entscheivan mintgamai allas 09.00 e cuozan entochen allas 12.00 e secuntinueschan il suentermiezdi dallas 13.30 entochen allas 16.30. S'entelli ch'ei dat era pausas denteren. Las seras stattan pil pli a libra disposiziun. Il margis sera visetan ils participants l'opera *Semiramide* da Gioachino Rossini a Sursaisa. Il venderdis sera seraduna l'entira cumpignia per in cant aviert cun canzuns popularas el Da casa Val Lumnezia a Vella. La sonda sera accompogna il chor ad

hoc in survetsch divin en ina baselgia dalla Surselva. La dumengia avonmiezdi ei resalvada al survetsch divin campester spel lag da Plaun Lom sur Triel ni en cass da mal'aura ell'antieriura baselgia da vallada a Pleif/Vella.

Dapli che mo cant

Sco quei che la menadra organisatorica da Musica vocalis *Silvana Caviezel-Lombris* sinceresch enviers la FMR stetti secapescha il cant el center da quella jamna. Denton buca mo, ei mondi per dapli. D'ront quella dimora en Val Lumnezia vegli Musica vocalis era intermediar schatgs da nies lungatg e da nossa cultura e buc il davos era mussar nossas bellezias da natira e cuntrada. Ei mondi era per enflar contacts e pil scomi denter hosps ed indigens, puntuescha Caviezel.

Sil program divertent figureschan perquei era guidas culturalas ni turas individualas tras ils vitgs lumnezians e visetas autro. Bein enqual cantadura e cantadur d'ordvart tuorni numnadamein savens sco hosp el regiu. La jamna da cant generescha pia era ina plivalur turistica ed economica. Magari detti ei era contacts cun auters chors e schizun in ni l'auter concert communabel.

La gronda part dils participants pren albiert e dunsena ella Sentupada a Vignogn nua che stanzas da dus e da quater sco era in dormitori collectiv stattan a disposiziun. Auters prefereschan pensziuns ni habitaziuns privatas. Per la purschida culinaria ella Sentupada a Vignogn ein *Ramona* ed *Edi Caduff* dil menaschi da bio a Degen responsabels.

Ulteriuras informaziuns:
www.musicavocalis.ch